

## SANBIS BLONG VOLKENO

### Wanem blong mekem **BIFO** sanbis hemi foldaon:

- Fulumap wota long ol bigfala kontena mo kavremap gud insaet long haos.
- Mekem sua se yu kat extra kakae.
- Mekem sua se yu karem extra faeawud o gas blong usum blong kuk.
- Kipim kud ol meresin I rere sapos yu kat.
- Mekem sua se yu kat wan kaliko blong blokem sanbis long ae mo nose blong yu.
- Mek sua se yu kat wan toslaet we I wok mo spea batri.
- Kipim wan radio wetem extra batri.
- Mek sua se ol windo mo doa oli klos oltaem mo blokem gud ol windo wetem ol klos.
- Kavremap gud ol tank/well blong wota mo muvum aot ariap ol pipe blong wota I stap ron long hem iko long tank bifo o taem we sanbis I stat blong stap foldaon. Mekem even yu gat fist flash system.




### Wanem blong mekem **TAEM WE** sanbis I STAP foldaon:

- Yu no panic o fraet tumas.
- Stap insaet long haos.
- Sapos u stap aotside, yu lukaotem wan strong haos kwik taem mo haed long hem.
- Kavaremap nose mo maot blo yu wetem wan mask o wan kaleko.
- Blokem ae mo nose blong yu wetem wan klos oltaem taem yu stap aotside.
- Kipim ol pikinini oli stap insaet long haos oltaem mo no letem oli pleple long sanbis blong volkeno.
- Sapos woning hemi kamaot taem yu stap long wok, yu stop wok mo kobak long haos.
- Lisen oltaem long radio.
- Wasem gud ol plant bifo yu kakae.
- Sapos I kat sanbis long wota tank /well blong yu, yu letem sanbis I ko daon o fil-tarem afta yu save usum wota we I klin, be usum wota ia blong ol nara something be no drink long hem.



### Wanem blong mekem **AFTA WE** sanbis hemi stop blong foldaon:

- Werem oltaem wan mask o kaleko blong blokem nose mo maot blong yu long sanbis, taem yu stap klinap.
- Sapos I kat fulap sanbis I foldaon (sam cm o moa) antap long ruf blong haos mo ren I no wasem aot olgeta, yu shavelem aot. Lukaot hemi denjeres bae yu save foldaon. Putum smol wota nomo long hem blong mekem se hemi no hevi tumas blong ruf I holem .
- Taem nekis gudfala ren I foldaon , wait 30 minutes bifo yu konektem bak tank/well. Wait 30 minutes even sapos fist flash sistem I stap finis.
- Tekem kea taem yu klaimap lada from se sanbis I save mekem ples we yu stanap lom hem I klis.
- Yu save kakai ol frut mo ol kakae long graon be yu mas wasem gut olgeta fastaem.



Blong gat moa infomesen, plis kontaktem Divisen blong Geohazards insaet long Meteorologi mo Geohazards Dipatment long [geohazards@meteo.gov.vu](mailto:geohazards@meteo.gov.vu) mo 24686 o luk websaet [www.vmgd.gov.vu](http://www.vmgd.gov.vu)



## Sanbis blong volkeno


Sanbis blong volkeno hemi wan komon denja long fulap aelan we I kat volkeno long hem olsem Gaua, Ambae, Ambrym, Lopevi mo Tanna. Taem volkeno I sakem sanbis, win I karem mo sakem long ol narafala ples. Ol sanbis ia oli smol tumas yumi no save luk, mekem se taem man I brit, I save pulum ol smol sanbis ia tu I ko insaet mo mekem hem I kasem sotwin o ol nara problem long lang blong hem. Sanbis blong volkeno I save spolem haos, karen mo helt blong ol man. Sanbis blong volkeno I save mekem numba blong ol man we oli cof, kasem red ae, problem blong skin I go antap. Kontinu blong usum wota blong washem everi thing mo swim long hem even sapos wota I smel o test nogud from sanbis o I klaodi, wota ia hemi stil gud be hemi nogud blong drink o kokom rice long hem.



Stone we I melt (Magma) hemi save fulap I kam antap insaet long volkeno, o kam aot long ples we I open long saet blong volkeno mo ron aot I ko long ol nara eria kolosap mo distroyem evri samting we I stap long rod blong hem. Long 1951, lava hemi ron aot long volkeno blong Ambrym mo mekem fulap man oli ronwe mo ko liv long ol narafala aelan kolosap.



## OL RISK BLONG VOLKENO



### Flo blong sanbis blong volkeno (Pyroclastic Flo)

Longtaem blong wan bigfala irapsen, ol hot stone, kas mo sanbis blong volkeno oli save ron I kam daon long saed long volkeno, kwik taem nomo (>100 km/h) mo distroyem everi samting we I stap long rod blong hem.

### Flo blong sofmat

Samtaem sanbis o hot asis I save mix wetem ren o wota long river mo kam olsem hot sofmat we I save ron fo-lem ol krik mo distroyem ol samting we I stap long rod blong hem.

### Stone blong volkeno

Volkeno I save sakem aot tu ol hot stone. Hemi den-jeres tumas blong stap kolosap long volkeno taem hemi stap sakem stone. Samtaem saes blong ol stone ia I save bikwan olsem wan trak!

## Kas blong volkeno

Volkeno I stap sakem plante difren kas olsem stim blong wota, carbon dioxide mo salfa dioxide. Salfa kas hemi smel olsem ek we I sting o matjes we I born mo I save afektem helt blong man taem hemi brit long hem. Ol rabis kas ia I save ko insaet long wota o kakae blong Karen mo taem man hemi kakae ol kakae ia oltaem, hemi save spolem tut mo bun blong hem.



### Konkon Ren

Konkon ren I happen taem ol acid kas oli mix wetem ol claod antap long skae mo foldaon olsem ren. Konkon ren ia tu I save spolem ol kakae long Karen, wota mo helt blong man mo ruf we I karem wota.

